



साःगु भिंगु मरिचरिया नितिं लुमंका दिसै !

लक्ष्मण जमाल /चिलिमि'
प्रोप्राइटर

लाखा छै
LAKHA CHHEN

सोहखुटे, वडा नं. १६, येँ, फोन नं.: ४५६०७५८

सिफल्य फुटबल ग्राउण्ड दयेकेत्यंगुलिं स्थानीय विरोध मेयर साहं दोहोरो मापदण्ड नालाकाःगु द्रुपं

लहना वा:पौ/
येँ महानगरपालिका ७ वडाया लाःगु सिफल (तपा ख्य) ख्यलय फुटबल ग्राउण्ड दयेकेत्यंगु खँयात कयाः स्थानीय वासिन्दा विरोध याःगु दु । न्हापा २५ रोपनी जग्गाय न्यनाच्चंगु तपा ख्यः थौंकन्हय अतिक्रमण जुया १४ रोपनी जग्गाय लिक्नुनाच्चंगु दु ।

सिफल ख्यलय छू अभिलेख कथं उगु थाय प्यसः दै न्ह्यवनिसें थीथी जात्रा पर्व यायेगु यानाच्चंगु थाय खः । अन लक्ष्मीनर सिं मल्ल कालीन अभिलेख नं लूगु दु । नेपाल संवत ७४५ (वि.सं. १९८१) उगु अभिलेखय दिगु छः व गुथिया जग्गा धकाः स्पष्ट उल्लेख यानातःगु दु । लिसै उगु ख्यःयात 'इन्द्रबल खेत १ कर्ष' धकाः जग्गाया प्रकृति नं न्ह्यथनातःगु दु ।



येँ महानगरपालिका टेण्डर आह्वान यानाः अन रंगशाला दयेकेत्यंगु खः । उक्रियात कयाः स्थानीय जनता विरोध यायेगुया लिसै मेयर बालेन साहं दोहोरो मापदण्ड नालाकाःगु धासै विरोध नं याःगु दु ।

विरोधया इवलय स्थानीय वासिन्दा मेयर साहं जग्गा लित हयेगु निरितिं थीथी ज्या यानाच्चंगु खःसां नं

तपा ख्यःया जग्गा धाःसा थम्ह हे अतिक्रमण यानाः अनया सांस्कृतिक क्षेत्रयात नष्ट यायेत्यंगु द्रुपं बिउगु दु । महानगर गुमे जूगु ११ रोपनी जग्गा लित हयेगु पलेसां रंगशाला दयेकाः ल्यनाच्चंगु जग्गायात नं मदयेकेगु कुतः यानाच्चंगु द्रुपं नं स्थानीय वासिन्दा बिउगु दु ।

स्थानीय वासिन्दाया कथं सिफल

ख्यलय ग्वलया नांजाःगु जात्रा मचाती जात्रा यायेमाःगु थाय खः । उकथं हे बच्छलेश्वर व चाःबही गणेशःया खः जात्रा थीथी थासय चाःहिकेधुंकाः सिफल ख्यलय हयाः भण्डारखालया पखालय ल्वाकीगु परम्परा दु । उकथं हे नंसाः भगवतीयात ग्वलय हइगु इलय सिफल ख्यलय दिकाः समयबजी नयेमाःगु परम्परा दु ।

लिसै सिफल ख्यलय थीथी समुदायया दिगु छः नं दुसा दैयदसं सम्बन्धित समुदाय वयाः पुजा यायेमाःगु चलन दु । चौरय हयाः जात्रा क्वचायेकेमाः । उकथं हे ख्यलय पुजा यायेगु, प्याखँ हुइगु दबू जक मखुसै पशुपति क्षेत्र विकासया बफर जोनलय लाःगुलिं उगु थासय गुगुं नं कथं हानी नोक्सानी यायेमजिउगु धासै स्थानीय

जनता तत्काल टेण्डर लित कायेमाःगु माग याना वयाच्चंगु दु । उगु थासय रंगशाला दयेकल धाःसा नेवाः पहिचान हे म्हासे जुइगु धासै स्थानीय जनता विरोध यानाच्चंगु दु ।

स्थानीय जनता सिफल ख्यः बचे यायेगु निरितिं वडाया ज्ञापन पौ बीगु ज्या जुइधुंकूगु दुसा पशुपति क्षेत्र विकास ल्यं ७ पेजय

कुमारी छँया पौ जीर्णोद्धार याइगु



लहना वा:पौ/
येँ महानगरपालिका कुमारी छँया पौ जीर्णोद्धार यायेगु निरितिं १ करोड २५ लाख तुइगु अनुमान याःगु दु ।

आँयपा, पःखाः, सिलिसै पौ नाप स्वाःगु ज्वलंया जीर्णोद्धार यायेत उल लागत तुइगु खँ येँ मनपा धाःगु दु । कुमारी छँया पौ ज्वःगुलिं भिंकेत प्राविधिक पक्षया अध्ययन यायेत नीस्वंगु समिति ब्यूगु प्रतिवेदनया कार्यान्वयन यायेत म्हिगः येँमपाया उपप्रमुख सुनिता डंगोलया नायःसुइ साभेदार ज्याकुथिया

अधिकारीपिं नाप च्वंगु बैठकय लागत अनुमानया विषयय जानकारी ब्यूगु खः ।

कुमारी छँ जीर्णोद्धारया प्राविधिक, सामाजिक नाप मेमेगु पक्षया विषयय सरोकारवालापाखें प्रतिक्रिया कायेधुंकाः उपप्रमुख डंगोल मौसम प्रतिकूलता जुइ न्ह्यः कुमारी छँया पौ जीर्णोद्धार याये क्वचायेकेमाःगु खँय बः बिसै जीर्णोद्धारया प्रक्रिया याकन न्ह्याकेत हनुमानधवाखा ल्यं ७ पेजय

Trendiest Fashion
At Price You Love

ufo the clothing store
#EMPRESSOFTHEFUTURE

लीकटवाःगु सांगीतिक पुः

कुटुम्ब नाप
सांगीतिक सनिल

एन एभनिंग विथ कुटुम्बा

November 22, 2025 Friday
Time: 4 pm
venue: Patan Museum, Lalitpur

टिकटवा नु
₹१०००/-, ₹१०००/-, ₹१०००/-

०११२२५४०७, ०११७१२२७९, ०११७१२२७९



नेवाः राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् फिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



‘जनताया सरकार’ धइगु क्यनेगु अवसर खः

जेनजी आन्दोलन याःगु बलिदान, संघर्ष नाप जनअभियानया लिच्चः कथं गठन जूगु थुगु सरकार केवल छम्ह शासक याःगु प्रणालीया निरन्तरता जक मखु। न्याय, सुशासन व उत्तर दायित्व यायेगु जनता तयेगु चाहना न खः थ्व सरकार। अथे जूगुलि, थुगु सरकार प्रति नागरिक तयेगु भलसा व आशा नाप संवेदनशीलता नं दु। जनतायात शब्द जक मखु, ज्याया लिच्चः नं मालाच्चंगु दु।

सरकारया लिपागु ज्या स्वयेगु खःसा जनाता निराश जुया वनाच्चंगु खनेदु। निर्णय प्रक्रियाय् लिपांगु, प्राथमिकताय् अस्पष्टता व सू मन्त्री तयेगु व्यवहार स्वयेगु खःसा न्हापा न्हापाया सरकार स्वयां छुं पाःगु मदु।

यदि थ्व सरकारं जनताया भलसा ल्यकाः तयेफत धाःसा थःगु नीति, निर्णय व कार्यशैलीयात जनभावना नाप घनिष्ठ कथं स्वायेमाः। जनतातय्त जुयाच्चंगु पीडा, आकांक्षा व असन्तुष्टियात केन्द्रय् च्वना शासन यायेगु न्हापांगु जिम्मेवारी खः। दकलय् न्हापां, सरकारं पारदर्शिता व जवाफदेहीता खने दइगु कथं ज्या संस्थागत यायेमाः। भ्रष्टाचार विरुद्धया क्रान्ति, ‘सुशासनया ज्या यायेगु कथं धात्यों जनाताया सरकार गये जुइमाः धका दस् खने दइगु ज्या याना वनेमाः। थुगु ज्या केवल भाषण यायेगु विषय जक मखु, व्यवहारय् क्यनाः यंकेमाः। अले जक जनताया बलिदान वःगु सरकार खः धका भलसा याइ। अथे ला आः तक सरकारं थःपिनिगु सम्पत्ति विवरण सार्वजनिक याये फुगु मदुनि। अथे तुं, प्रधानमन्त्रीनिसे मन्त्री तयेगु सकसिगु थःपिनिगु न्वावायेगु, व्यवहार व निर्णय संयम, विवेक नापं दक्षता क्यने फुगु मदुनि।

जनतातय्गु नुगः त्याकैत भाषण जक मखु, लिच्चः नं माः। भ्रष्टाचार नियन्त्रण, निर्वाचन तयारी, स्थानीय सेवा प्रवाह सुधार, रोजगार सिर्जना व राजनीतिक स्थायित्व ख्यलय् आःयागु सरकारं बांलाक ज्या याये फुगु मदुनि।

जनता भावना त्याकेगु धइगु लोकप्रियता क्यनेगु जक मखु, जनतातय्गु धात्यों वास्तविक हित व दीर्घकालीन अपेक्षायाम् सम्बोधन यायेगु खः। गुबलय् गुबलय् यायेगु ज्या याकन खने मदयेफु तर अज्याःगु निर्णय लिपा तक राष्ट्रया भविष्यया निितिं मदयेकं मगाःगु जुइ, सरकारं दृढता व दूरदृष्टि स्वयाः न्ह्याःवनेमाः।

अथे यायेगु इलय् उगु दृढता जनसरोकार, न्याय व नैतिकताया आधारय् जुइमाः। आःया जनतां नारा मखु, लिच्चः मालाच्चंगु दु। ह्यूपाःया निितिं बलिदान ब्यूपि नागरिकपाखे इमानदार शासनयात पियाच्चंगु दु। उकिइ, थुगु इलय् जेनजी सरकारया निितिं चुनौती जक मखु, अवसर न खः। थःपि धात्यों ‘जनताया सरकार’ खः धइगु प्रमाणित यायेगु ह्वता वःगु दु।

दक्षिण एसियाया जेनजी आन्दोलन व नेपाः-२



उपेश महर्जन

बंगलादेश स्वतन्त्रतानिसें आःतक

पाकिस्तानया अधिनस्थ दुगु पूर्वी पाकिस्तान (बंगलादेश)य् न् १९७० स शेख मुजिबुर रहमानया नेतृत्वय् दुगु अवामी लिंग संघीय व प्रादेशिक चुनावय् बहुमत हयेधुंकाः थीथी मुद्दा ल्हवनाः पाकिस्तानया राष्ट्रपिता जुल्फिकर अलि भुट्टो षडयन्त्र यात।

वयां लिपा अवामी लिंग उर्दु बाहुल्य पाकिस्तान बंगाली भाषा बाहुल्य पूर्वी पाकिस्तानयात स्वतन्त्र यायेत अन मुस्लिम व हिन्दूतय् समर्थनय् स्वतन्त्रताया आन्दोलन न्ह्याकल। थुगु आन्दोलनय् थ्यं मथ्यं ३० लाख जनतातय्त पाकिस्तानी सेनां स्याःगु खः। सन् १९४९ स स्थापित अवामी लिंग पार्टी व भारतीय सेनाया ग्वाहालिइ सन् १९७१ मार्च २६ स बंगलादेश मुक्त जुल। सन् १९७३ स न्हापांम्ह निर्वाचित प्रधानमन्त्री शेख मुजिबुर रहमान जुयादिल। वयां लिपा अशान्त जुयाच्चंगु देशय् सन् १९७५ अगष्ट १५ स सैनिक कु जुयाः बंगलादेशया नेता सहित वय्कःया छैय् दुपिं १८ म्हेसित स्यात।

सन् १९७८ स जन्मे जूगु बंगलादेश राष्ट्रिय पार्टी (बीएनपी) बेगम खालिदा जियां १९९१, १९९६ व २००१ स शासन यात। बंगलादेशया न्हापांम्ह मिसा प्रधानमन्त्रीया रूपय् वय् कलं स्वक्वः तक शासन यानादिल। सन् १९९६ स न्हापाखुसी प्रधानमन्त्री जूमह रहमानया म्ह्याय् शेख हसिना बंगलादेशय् दकलय् अप्वः ई न्याक्वः तक प्रधानमन्त्री जुयादिल।

२००८ निसें अपदस्थ मजतले प्यक्वः निरन्तर प्रधानमन्त्री जुल। पाकिस्तानय् थें बंगलादेशय् नं सैनिक शासन पटक पटक जूगु दु। बंगलादेश थ्व निम्ह मिसा नेतृत्व राजनीतिइ हे केन्द्रित खनेदु व मुख्यत निगू पार्टीया शासन।

बंगलादेशय् जेनजी विद्रोहया पृष्ठभूमि

निजामती सेवाय् भेदभावपूर्ण जागिर-कोटा प्रणालीया विरोधय् विश्वविद्यालयया विद्यार्थीतय्सं सन् २०२४ या मध्यय् विद्रोह न्ह्याकल। विशेष यानाः, निजामती सेवाया थ्यंमथ्यं ३०% पद पाकिस्तान लिसे १९७१ स्वतन्त्रता जूगु इलय् मुक्ति युद्धय् ज्यान गुमेयाःपिं सन्तानतय्गु निितिं आरक्षित यानातःगु खः। गुक्रिया हुनिं आपालं ल्याय्महतय्सं थज्याःगु भेदभावपूर्ण व्यवहारयात अनुचित व नातावाद लिसे सम्बन्धित तायेकल। सन् २०१८ स खारेज जुइधुकूगु थुगु कोटायात जुन २०२४ स अदालतया निर्णयया कारण पुनर्स्थापित यात। भ्रष्टाचार, नातावाद, रोजगारी अभाव व राजनीतिक हिउपाःया मुद्दाय् केन्द्रित

मुहम्मद युनुसया नेतृत्वय् अन्तरिम सरकार स्थापना याःगु खः गुक्रियात सुधार व अन्ततः चुनावया निरीक्षण यायेगु जिम्मेवारी बिउगु दु। प्रमुख दलतय्सं संवैधानिक व संस्थागत हिउपाःया निितिं सुधार रोडम्याप ‘जुलाई राष्ट्रिय बडापत्र’ य् हस्ताक्षर याःगु दु।

जुयाः सामाजिक सञ्जालय् थीथी कथंया विरोध न्ह्यात।

ढाका विश्वविद्यालयं न्ह्याःगु विद्रोहया मि ज्वाला सामाजिक सञ्जालया हुनिं मेगु शहरय् न्यना वना। थुगु विद्रोहलय् शेख हसिनाया सरकारं अत्याधिक बल ख्यलेवं आपालं मनूया ज्यान वन।

कर्फ्यूया लिसे इन्टरनेटया सेवा बन्द यायेवं अभ्र सार्वजनिक आक्रोश तच्चल। अगस्ट २०२४ स शेख हसिना ढाका त्वःताः भारत पलायन जुइत बाध्य जुल।

मुहम्मद युनुसया नेतृत्वय् अन्तरिम सरकार स्थापना याःगु खः गुक्रियात सुधार व अन्ततः चुनावया निरीक्षण यायेगु जिम्मेवारी बिउगु दु। प्रमुख दलतय्सं संवैधानिक व संस्थागत हिउपाःया निितिं सुधार रोडम्याप ‘जुलाई राष्ट्रिय बडापत्र’ य् हस्ताक्षर याःगु दु।

हसिनायात चीकेधुंकाः संक्रमणकालीन/अन्तरिम व्यवस्था लागू याःगु दु। अथेखःसां नं न्ह्यःनेया लेंपु अस्थिर व विवादित जुयाच्चंगु दु। युवा आन्दोलनं अभ्र नं दबाव बी, तर संस्थागत सुधार गुलि स्थायी जुइ धइगु न्ह्यसः ल्यै दनि। आपालं प्रदर्शनकारीतय्सं थःगु माग अभ्र नं पूर्ण रूपय् पूमवंगु धयाच्चंगु दु। संयुक्त राष्ट्र मानव अधिकार कार्यालयं स्ववाःया दुने १४ सय मनू सीगु याःगु दु। ढलढः ज्वंगु दु। युवा बेरोजगारी, असमानता, जलवायु जोखिम अभ्र नं खनेदयाच्चंगु दु। कानून संशोधन व संस्थागत संरचना हिलेगु पलाः न्ह्याकूगु दु।

अन्तर्राष्ट्रिय वित्तीय संस्था विश्व बैंकं बंगलादेशय् सुधारया प्याकेज (आर्थिक, शासन) या निितिं समर्थन यायेगु बचं बिउगु दु। अभ्र नं मस्यौदा वा परामर्शया पूर्ण चरणय् कार्यान्वयन ल्यै दनि। गुलिसिया धापू कथं हिउपाःयात स्थापित यायेत लिबाय धुंकूगु दु। ताः इलानिसें प्रभावशाली सरकारयात चीकूगुलिं थीथी शक्ति (राजनीतिक दल, इस्लामी पुचः, युवा आन्दोलनकारी) पाखे प्रतिस्पर्धा जुयाच्चंगु धापू नं दु।

सुधार कोष व बाह्य समर्थन नं चूलानाच्चंगु दु, तर रोजगारी सिर्जना, सुधार याःगु सार्वजनिक सेवा व योग्यताय् आधारित प्रणालीयात रुपान्तरण यायेत अभ्र नं ई काइ। वइगु फेब्रुरी २०२६ स अन ३ सय सिट प्रत्यक्ष रूपय् चुनाव जुइत्यंगु दु व ५० सिट मिसापित आरक्षित यानातःगु दु।

जेनजी आन्दोलनया विद्यार्थी नेतातय्सं नं राष्ट्रिय नागरिक पार्टी दर्ता यानाः चुनावय् वनीगु जूगु दु। तर, बंगलादेशया राजनीतिक चक्रव्युहलय् दुगु निगू दलतय्सं छगूलिं मेगुयात चुनावय् ब्वति कायेके मबीगु वा चुनाव बहिष्कार यायेगु खँ न्हूगु मखु। जेनजी

आन्दोलन लिपा अवामी लिंगयात चुनावय् ब्वति कायेके मबीगु खँ अनया लोकतन्त्रयात कयाः न्ह्यसः थनाबिउगु दु। चुनाव सम्बन्धित संशोधन व चुनावय् अन्तरिम सरकारया भूमिकायात कयाः बहस जुयाच्चंगु दु।

लिखँ

दत्या न्ह्यःया बंगलादेश व श्रीलंका जेनजी आन्दोलनया पृष्ठभूमि, इतिहास व प्रवृत्ति स्वयेबलय् नेपाःया आन्दोलन लिसे ज्वः लाः। बंगलादेश स्वयेबलय् अन चुनाव याकेगु निितिं संविधान संशोधन जूगु कारण लिबाःगु खनेदुसा अन्तरिम सरकारं जेनजीया जनजीविका सम्बन्धी मुद्दायात इलय् सम्बोधन यायेत सफल मजू। मेखे, श्रीलंकया सत्तासिन राजनीतिक पार्टी, भूगोल, जेभीपी थेंज्याःगु छुं हद तक मिले जुइवं पाय्छि अःखः खनेदु। वि.सं. २००६ सालय् नेपाल कम्युनिष्ट पार्टी नीस्वनेधुंकाः प्रजातन्त्रया उदय २००७ स जूगु खः। २०१७ सालय् पञ्चायती शासन, २०३६ सालया जनमत संग्रह, नेपाली कांग्रेस व वाममोर्चाया न्ह्याकूगु २०४६ सालया न्हापांगु जनआन्दोलन, वि.सं २०५२ साल निसें जनयुद्ध व ६२/६३ सालया माओवादी सहितया निक्वःगु जनआन्दोलन व २४० दँया राजतन्त्र निर्मुल लिसे भदौ २३ व २४ या जनआन्दोलनयात स्वयेगु खःसा छुं हद तक मिले जू।

भ्रष्टाचार अन्त्य यायेमाःगु माग तयाः सतकय् कुहां वःपिं विद्यार्थी व जेनजीतय्गु निर्ममतापूर्वक भदौ २३ गते १९ म्हेस्या हत्या लिपा भदौ २४ गते सरकार क्वःदःगु खः।

समृद्धि, रोजगारी व सुशासन पूर्वकेत असफल धकाः निगू तःधंगु धुंकाः माओवादी खः धकाः धाईपिं ल्याय्महपिं नं दु। निराश युवा, श्रमिक मजदुर, किसान, मिसा, आदिवासी जनजाति, मधेसी समुदाययात विश्वासय् कायेत उगु हे कथंया योजना व ज्याइवः माः। थुकी दकलय् न्हापां आःया जेनजीया भावनायात सतप्रतिशत पूर्वकेगु प्रतिबद्धता माः।

नेपालय् जूगु थज्याःगु आन्दोलनं वइगु न्हिं चुनावय् जेनजीया प्रतिनिधित्व गुकथं राजनीतिक प्रतिबद्धता हइ व मतदाताया नुगः त्याकी स्वये ल्यै दनि। तर, नेपालय् चीधंगु इलय् जूगु प्रदर्शन लिसें हिंसात्मक गतिविधिया कारणं छुं देशं नेपाः व नेपाःमि ल्याय्महतय्त स्वयेगु दृष्टिकोणय् छुं हिउपाः हःगु दु। अथेजुयाः नेपालय् गुकथं अन्तरिम सरकारं जःखः मस्वःसें फागुन २१ गते निर्वाचन यायेगु तयारी याःगुलिं याकनं देशं स्थायित्व काइगु खनेदु।

नेपाःया प्रदर्शनपाखें सयेकाः अफ्रिकाया टापू देय् माडागास्करय् राष्ट्रपतिया शासन हिउगु दु। मेगु देय् केन्या, मोरोक्को, पेरुलगायतया देशय् नं आन्दोलन जूगु दु।

नेपालभाषा मंकाः खलःयात मेपिसं तारिफ याइ कथं विकास याये : महेन्द्रलाल महर्जन

नेपालभाषा मंकाः खलः यलया भिर्प्यक्वःगु तःमुँज्या जुयाच्चंगु दु। थ्वहे वइगु मंसिर ६ गते न्हूगु ज्यासना पुचः ल्ययेगु निितिं चुनाव जुइत्यंगु दु। उगु चुनावय् निगू पुचलं उम्मेदवारी बियादीगु दु। छम्ह खः महेन्द्रलाल महर्जन व मेम्ह बाबुराजा महर्जन। वय् कःपिं मध्ये महेन्द्रलाल महर्जन लिसे जूगु खँल्हाबल्हा थन न्ह्यब्वया च्वना।

● **लहना डेस्क**
छ् यल नेपालभाषा मंकाः खलःया तःमुज्याय् छिगु उम्मेदवारी छाय् ?

जि नेपालभाषा मंकाः खलःया आःया छ्याज्जे खः। जिं स्वदै तक ज्यासना पुचःया छ्याज्जे खः। थ्व स्वदै तक ज्यासना पुचलय् च्वनाः ज्या यायेगु इवल्य् जिं गुकथं भूमिका म्हिता। थ्व भूमिका म्हितेगु इवल्य् अभ्र नं आपालं ज्या यायेफइगु सम्भावना खना। भीगु भाषा, साहित्य, संस्कृति व नेवाःतय् उत्थानया निितिं थीथी ज्या फइ धकाः जिं थुगुसी नायः पदय् उम्मेदवार बियागु खः।

छ् यदि छि निर्वाचित जुयादिल धाःसा मंकाः खलःयात अभ्र च्वन्त्याकेत छु गज्याःगु योजना दु ?

नेपालभाषा मंकाः खलःया थ्व जिमिगु कार्यकालय् गथः हाइकु किताव, सत्यया लैपु चिनाखँ सफू व मुकुन्दो नाच धइगु यलया ख्वाःपाः पुयाः हुलिगु प्याखँया सफू डा. माणिक शाक्य च्वयादीगु सफू पिथनेगु ज्या जूगु दु। थ्वहे दै मुँज्याय् नं चिबाखं सफू पिकायागु दु। थ्वहे इवल्य् लिपा लिपा नं थुकथं हे साहित्य सम्बन्धी सफू पिकायेगु, नेपालभाषा साहित्यय् जुयाच्चीपंत मंकाः खलकय् आवद्ध यायेगु लिसें भीसं संगीतय् ल्हाः तये फयाच्चंगु मदु। उकी नं ल्हाः तयेगु धकाः भलसा कयाच्वनागु दु।

मेता खँ धइगु वंगु दैय् नेपालभाषा मंकाः खलः यलं साइकल च्याली यानाः। उगु साइकल च्याली यायेगु इवल्य् त्यागलं शुरु यानाः न्हय् गां चाःहिलाः मंगलय् क्वचायेकूगु खः। उगु साइकल च्याली यायेगु इवल्य् छु जुल धाःसा नेपालभाषा मंकाः खलः धइगु सक्रिय दु धइगु खँ नेवाः लागाय् चर्चा परिचर्चा नं जुल। उकिया लिच्चः कथं दुजः जूवःपिं नं आपालं दु।

जिं धाये हे माःगु मेता खँ छु दु धाःसा जिपिं निर्वाचित जुयाः दुहां वयेवं न्हापांगु दैय् छगू दुःखद घटना जुल। वांगमय् शताब्दी पुरुष सत्यमोहन जोशी मन्त। वय्कः देहवासन जूगु



महेन्द्रलाल महर्जन, नायः पदया प्रत्यासी, नेपालभाषा मंकाः खलः यल

कारणं यानाः उगु दैया न्हूदैया ज्याइवः स्थगित यानाः।

वय्कः मदुगु भिंखुन्हु दु कुन्हु मंगलय् कार्तिक दबुली शोक सभा यानागु जुल। उगु शोक सभाय् तत्कालीन प्रधानमन्त्री शेरबहादुर देउवा उपस्थित जुयाः सत्यमोहन जोशीया छैय् मत च्याकेगु ज्या जूगु खः। काति दबुली हे भीसं सत्यमोहन जोशीया नामय् सिरपा स्वनेगु धकाः मंगलय् 'सत्यमोहन जोशी साहित्य सिरपा' घोषणा यानागु जुल। थ्व सिरपा न्हापांगु दैय् फणिन्द्ररत्न वज्राचार्ययात लःल्हानागु खः। वयां लिपा यलया भाषाविद् छत्रबहादुर कायस्थयात लःल्हानागु जुल। स्वक्वःगु सत्यमोहन जोशी साहित्य सिरपा ख्वपया तिलकप्रकाश कायस्थयात लःल्हानागु जुल। प्यक्वः साहित्य सिरपा प्रधानमन्त्री सुशीला कार्कीया ल्हातं रुक्मणी श्रेष्ठयात लःल्हानागु जुल। थुकथं थ्व सिरपा भीसं न्ह्याकातुं च्वनेगु जुइ। उकिया निितिं सत्यमोहन जोशी साहित्य सिरपा कोष दयेकेगु योजना दु।

अथे तुं मेगु छगू ज्याइवः नेपालभाषाया प्यंगः थां निष्ठानन्द वज्राचार्य, सिद्धिदास महाजु, जगतसुन्दर

मल्ल व योगवीर सिंह कंसाकार पिनिगु नामं साहित्य, संगीत, कला व भाषा यानाः प्यंगू विधाय् पुरस्कारया व्यवस्था यायेगु खँ जुइधुंकूगु जुल। उकिया निितिं यल महानगरपालिका १६ वडां बजेट विनियोजन यायेधुंकूगु दु। मेता खँ मध्यासें मजिउगु खँ छु धाःसा यल महानगरपालिकां बजेटया व्यवस्था यानाः शंखधर साख्वाःया इवाता तयेगु इनाप यानादीगु दु। वय्कः पिनिगु इनाप कथं भीसं धापाख्यः, बुंगय् व जलय् इवाता तयेगु ज्या क्वचायेधुंकूगु जुल। आः खोनाय् याकनं हे शंखधरया इवाता तयेगु ज्या न्ह्याकेगु कुतः जुयाच्चंगु दु।

छ् अभ्र मयाःनिगु छु छु ज्या दु ?

भीसं प्लान दयेकेधुंकूगु छगू ज्याइवः धइगु यै, यल, ख्वप व किपुलिइ वृहत सांस्कृतिक कार्यक्रम धेधेबल्ला यानाः बांलाक पुरस्कारया व्यवस्था यायेत्यनागु दु। उकिया निितिं यल महानगरपालिकाया १६ वडाया नायः निर्मलरत्न शाक्यं ग्वाहालि याये धकाः बचं बियादीगु दु।

छ् मंकाः खलःयात अभ्र वृहत यायेत छिके गज्याःगु योजना दु ?

थुकी दकलय् तःधंगु खँ छु धाःसा मंकाः खलःया २ रोपनी ४ आना जग्गा

दु। थ्व जग्गाय् यलया नमूना भवनया रूपय् दयेकेगु योजना दु। उकीया निितिं नेपालभाषा मंकाः खलःया सल्लाहकार भाजु विपिन चित्रकारं नक्सा तयार यानादी धुंकूगु दु। थुगु भवनय् स्वंगू तल्ला अन्डरग्राउण्ड पार्किङ दइसा च्वय् न्यात जाः दइ। थुगु भवनया छगू हलय् ६ सय मनू न्ह्यनी कथं दयेकेगु योजना दु। मेगु स्वंगू हलय् ११० म्ह, ८० म्ह व ६० म्ह न्ह्यनी कथं हल दयेकेगु योजना दु। थ्व भवन दयेकेधुंकाः नेपालभाषा मंकाः खलःयात आर्थिक रुपं समस्या जुइ मखु धइथें ताः। आः तक भीसं गबलें वडायाके, गबलें नगरपालिकायाकेसा गबलें प्रदेश सरकारयाके ध्यबा प्वनाः ज्या याये मालाच्चंगु दु। यदि थ्व भवन छगू दयेके फतधाःसा चीचीधंगु ज्याया निितिं नं ग्वाहालि प्वने माली मखु धइगु तायेकाच्वनागु दु।

छ् नेपालभाषा व संस्कृतिया उत्थानया निितिं छिगु छु गज्याःगु योजना दु ?

जिं च्वय् नं धायेधुन सफू पिकायेगु ज्या न्ह्यानाः तुं च्वनी। लिसे नेपालभाषा स्यनेगु व लिपि स्यनेगु ज्या नं न्ह्याकेगु जुइ। अथे ला थ्व ज्या न्हापा नं यायेधुनागु खः। आः नं उकियात निरन्तर बीगु जुइ। अथे हे लिपिया गुरु रुविन शाक्ययात मंकाः खलकय् दुथ्याकाः निरन्तर लिपि स्यनेगु ज्या

बहना

२०८२ बसिर २ बंगलवा





विषय : सामाजिक सञ्जाल



नेपालभाषा मंका: खल: यलया भिन्प्यक्व:गु त:मुँज्या

लहना वा:पौ/नेपालभाषा मंका: खल: यलया भिन्प्यक्व:गु त:मुँज्या यलया त्यागल्य वंगु शनिवा: त:जिक उलेज्या जुल ।

नेपालभाषा एकेडेमीया संरक्षक वरिष्ठ साहित्यकार यज्ञरत्न धाख्वा:या मूपाहँसुइ जूगु उगु ज्याइवल्य नेपालभाषाया प्यंग: थाँ निष्ठानन्द बज्राचार्यया नामय् भाषापाखे लोकबहादुर शाक्य, सिद्धिदास महाजुया नामय् संस्कृतिपाखे हरिराम जोशी, जगत सुन्दर मल्लया नामय् कलापाखे बत्स गोपाल वैद्य व योगवीर सिंह कंसाकारया नामय् संगीत तथा गायनपाखे अमरराज शर्मायात नीन्याद्र: तका व हना पौ देछात । थुगु हना ज्याय् यल मनपा वडा ल्या: १६ पाखें मा:गु बजेट व्यवस्था जूगु ख: । उगु ज्याइवल्य नेपालभाषा साहित्य

चिबाखंया उलेज्या जूगु ख:सा मंका: खल: यलया पूर्वनाय:पिं, यल मनपाया मेयर चिरीबाबु महर्जन, यल मनपा १६ वडाया नाय: निर्मलरत्न शाक्य, बागमती प्रदेश सांसद रामकृष्ण चित्रकार, नेवा: देय् दबूया नाय: पवित्र बज्राचार्य, विराट नेपालभाषा साहित्य गुथिया नाय: महेन्द्र गोपाल कर्माचार्य, लिसें नेपालभाषा ख्य:या हनेबह:पिं थीथी व्यक्तित्वपिनि ब्वति दुगु ख: ।

शनिवा: उलेज्या जूगु त:मुँज्याया बन्द सत्र संस्थाया प्रगति प्रतिवेदन व आर्थिक प्रतिवेदन पारित याय् धुंकूगु दुसा थ्वहे मंसिर ६ गते शनिवा: न्ह्यु नेतृत्वया निर्ति निर्वाचन जुइगु जूगु दु । न्ह्यु नेतृत्वया निर्ति वर्तमान न्वकू बाबुराजा महर्जन व ख्याञ्जे महेन्द्रलाल महर्जनया प्यानल प्रतिस्पर्धीय दु ।

जातीय खल: पुचःयात नं कःघानाः न्ह्याःवनेमाः : महर्जन

नेपालभाषा मंकाः खलः यलया भिष्यक्वःगु तःमुँज्या जुयाच्चंगु दु। थ्वहे वङ्गु मंसिर ६ गते न्हूगु ज्यासना पुचः ल्ययेगु नितीं चुनाव जुइत्यंगु दु। उगु चुनावय् निगू पुचलं उम्मेदवारी बियादीगु दु। छम्ह खः बाबुराजा महर्जन व मेम्ह महेन्द्रलाल महर्जन। वय्कःपिं मध्ये बाबुराजा महर्जन लिसे जूगु खँल्हाबल्हा थन न्ह्यब्वया च्वना।

● लहना डेस्क

❧ **नेपालभाषा मंकाः खलः यल्य छिगु उम्मेदवारी छाय ?**

नेपालभाषा मंकाः खलः यल्य जिगु उम्मेदवारी धङ्गु नेवाः जुयाः नेपालभाषाया उत्थान यायेमाःगु दु। थौंकन्हय् नेपालभाषा लोप जुया वनाच्चंगु दु। स्कुल कलेजय् थौंकन्हय् अग्रेजी भासं व ब्वंकेगु यानाच्चंगु दु। अथेजुयाः जितः ग्याः चिकु छु धाःसा छन्ह्या दिनय् नेपालभाषा लोप जुयाः वनी। अथेजुयाः नेपालभाषायात ल्यंकातयेमाः धकाः जि न्ह्यानाच्वनागु खः।

❧ **नेपालभाषा छ्यलय् छि गुबलें निसें दी ?**

धात्यें धायेगु खःसा नेपालभाषा मंकाः खलः यल्य जि दुजः जुयागु नीन्यादँ न्ह्यः हे खः। जिगु दुजः ल्याः ६८ खः। तर जिं लगनशील जुयाः ज्या यानागु थ्वहे स्वदँया कार्यकालय् खः। गुगु स्वदँ दत।

❧ **छिगु स्वदँया कार्यकालय् उपलब्धी मूलक ज्या छु यानादिया ?**

थ्व स्वदँया कार्यकालय् उपाध्यक्ष जुइगु धङ्गु थज्याःगु पद खः कि थःगु इच्छा कथं छुं हे ज्या याये दइमखु। अध्यक्षया अनुमति कयाः जक ज्या यायेमाःगु। अध्यक्ष अनुपस्थिति जुल धाःसा जक ज्या यायेमाःगु वा अध्यक्ष गन हुं धाल अन वनेमाःगु अवस्था खः थ्व। अथेजुयाः उपाध्यक्षया भूमिका खास हे म्हिले मफु थें जितः ताः।

❧ **मंकाः खलः यलयात अभ्र वृहत यायेत छिके छु गज्याःगु योजना दु ?**

मंकाः खलःयात वृहत यायेगु खःसा भाषा, कला, साहित्य फुककं गोष्ठी यायेगु। उकिया नितीं विज्ञापित दुथ्याकेगु छगू योजना दयेकाः। सञ्जाल दयेकाः देश विदेशय् च्वीपिं नेवाः समुदायतय्त दुथ्याकाः न्ह्याः वनेमाः।

❧ **नेपालभाषा साहित्य, संस्कृति उत्थानया यायेगु नितीं छु**



बाबुराजा महर्जन, नायः पदया प्रत्यासी, नेपालभाषा मंकाः खलः यल

योजना दु ?

नेपालभाषा उत्थान यायेगु नितीं नेपालभाषा, संस्कृति, कला, साहित्य विधाय सम्मेलन यायेमाः। उकिया नितीं विज्ञापिनगु परामर्श कयाः रणनीति दयेकाः न्ह्याः वनेमाः। उकथं हे सञ्चार माध्यम देश विदेशय् च्वीपिं नेवाः समुदाययात नं दुथ्याकाः न्ह्याःवनेमाः। उकथं हे मंकाः खलःया ज्याकुथी छम्ह दक्ष कर्मचारी तयाः संगठनयात अभ्र न्ह्यःने न्ह्याकेगु जिगु योजना दु।

❧ **जाति खलः पुचः लिसे मंकाः खलकं गज्याःगु भूमिका म्हिले ?**

जातीय खलः पुचः नं महत्वपूर्ण अंग खः। भी नेवाःत सकस्यां नेपालभाषा हे छ्यलाच्चंगु दु। अथेजुयाः जातीय खलः पुचःयात नं कःघानाः न्ह्याःवनेमाः धङ्गु जिगु बिचाः खः।

❧ **यँया थीथी स्कुलय् नेपालभासं ब्वंकेगु ज्या जुइ धुंकागु दु। तर यल उलि सफल जुइ फ्याच्चंगु मदु। स्कुलय् नेपालभाषा ब्वंकेगु नितीं यल मंकाः खलकं गज्याःगु भूमिका म्हिले ?**

यँ न्हापालाक ब्वंकेगु ज्या याःगुलिं थौंकन्हय् च्यागू तगिं तक ब्वंकेगु यानाच्वन धङ्गु खँ जिं न्यनागु दु। यलय् नं प्यंगू तगिं तक ब्वंकेगु ज्या जुयाच्चंगु न्यना। नेपालभाषा मंकाः खलकं थुकी चिउताः तयाः न्ह्याःवनेमाः धङ्गु जिगु बिचाः खः।

❧ **नेपालभाषा मंकाः खलः यलया छँ दयेकेगु ज्या छु जुयाच्वन ? छि निर्वाचित जुल धाःसा गुकथं न्ह्याकादी ?**

नेपालभाषा मंकाः खलः यलया

भवन दयेकेगु नितीं आपालं कुतः जूगु दु। तर लिपांगु इलय् वयाः भोगाधिकार मदयेक राज्य लगानी याइ मखु। राज्य टेण्डन आह्वान याये मजिउ धाःगुलिं दिनाच्चंगु खः। अथेजुयाः भोगाधिकार कायेगु नितीं माःगु कुतः यायेगु जुइ।

❧ **वर्तमान राजनीतिक अवस्थाय् नेवाःतय् मुद्दायात गुकथं सम्बोधन यायेमाली थें च्वं ?**

राजनीतिक रुपं मवसां नं नेवाः छाः धङ्गु नारा ज्वनाः नेवाःत संगठित जुयाः न्ह्याःवनेमाः थें जितः ताः।

❧ **छिकपिनगु कार्यकालय् छु मू वंगु ज्या जूगु दु ?**

जिमिगु कार्यकालय् मू वंगु ज्या धङ्गु 'सत्यमोहन जोशी सिरपा' नीस्वनेगु ज्या जूगु दु। उगु संस्था थीथी व्यक्तित्वपिं हनेगु ज्या जूगु दु। सिरपाया नामय् नेपालभाषा, साहित्य, संगीत व कला छ्यलय् लगे जुयाच्चपित मुल्यांकन यानाः हनेगु ज्या जूगु दु। थ्व नं छगू तःधंगु उपलब्धी खः।

❧ **अन्तय् थुगु पत्रिका पाखे छि थः मतदातातय्त छु धयादी ?**

जिं मतदातातय्त थ्व धाये कि नेपालभाषा मंकाः खलः यलया नायः ल्ययेगु खःसा नायः जुइमहेसिया अनुभव, भिजन, फुसद व सक्रियतायात ध्यानय् तयेमाः।

❧ **छिं भिजन धयादिल। भिजन थ्वहे धकाः छुं दु ला ?**

नेपालभाषायात न्ह्यःने यंकेगु नितीं जिगु भिजन धङ्गु च्वय् धयाथें भाषा, लिपि, संस्कृति, साहित्ययात कःघानाः सञ्चार माध्यमपाखे न्ह्याःवनेगु खः।

धार्मिक पर्यटन स्थल हलेसी महाद्यः



प्रेममान डंगोल

यँ नं थ्यंमथ्यं २२० किलोमिटर पूर्वय् च्वंगु हलेसी महाद्यःया तसकं महत्व दु। हलेसी महाद्यःयात पूर्वया पशुपतिनाथया रुपय् नं पुजा यानाः वयाच्चंगु दु। हिन्दू व बौद्ध धर्मावलम्बीतय्सं श्रद्धापूर्वक माने याना वयाच्चंगु हलेसी महाद्यःयात हिन्दूतय्सं देवाधिदेव महान द्यःया रुपय् नाला वयाच्चंगु दुसा बौद्धतय्सं महान गुरु पद्म संभवया रुपय् माने याना वयाच्चंगु दु। धार्मिक लिसे सांस्कृतिक रुपं सम्पन्न महाद्यःया रुपय् फुकस्यां माने याना वयाच्चंगु



थुगु हलेसी महाद्यः जमिन सतह स्वयां ६७ फिट क्वय् प्राकृतिक गुफा दुने दु। चीधंगु पहाड क्वय् पूर्वपाखे स्वयाच्चंगु चन्द्राकार प्राकृतिक गुफा दुने विराजमान जुयाच्चंगु दु हलेसी महाद्यः। खोटाङ जिल्लाया हलेसीइ दुगु गुफा दुने हलेसी महाद्यःया रुपय् शिवालिक दु।

हलेसी महाद्यः गुकथं उत्पति जुल धङ्गु जनधापू कथं छक्कः छम्ह राक्षस महाद्यःया तपस्या यानाः लय् तायेकल। महाद्यः प्रशन्न जुयाः छु वर फवनेगु खः फवं धायेवं उम्ह राक्षसं जिगु ल्हाः सुया छ्यनय् तयेबलय् व तत्काल भष्म जुइमाः धङ्गु वरदान फवन। महाद्यवं नं तथास्तु धकाः वरदान बिल। अले छु माल उम्ह राक्षसं तत्काल हे छिगु वरदान परीक्षण यानाः स्वयेमाल धाल। सुयात यानाः स्वयेगु धकाः छिगू हे छ्यनय् ल्हाः तयाः स्वयेमाल धाल। का मखुथे फसाद जुल महाद्यवं वरदान नं बीगु अखतं थः हे भष्म जुइमाःगु। थ्व ला घोर अन्याय जुल धासैं महाद्यः

बिसिउँ वन। उम्ह राक्षसं नं महाद्यःयात लिना यंकल।

बैकुण्ठय् आराम यानाच्चंगु विष्णु भगवानं थुगु दृष्य खनाः अजू चाल। अले विष्णु भगवानं महाद्यःयात बचे यायेमाल धकाः सोचे यानाः तत्काल उगु थासय् वयाः छम्ह तसकं बांलाम्ह सुन्दरीया रुप कयाः राक्षसया न्ह्यःने वल। उम्ह राक्षस नं छभाः ला अलमल जुल। थुलि बांलाम्ह सुन्दरी गनं वल। गुलि बांलाः थ्वहे सुन्दरीयात यंकेदःसा जिउ धकाः सोचे यानाः न्यन 'हे सुन्दरी छ सु खः ? गनं वया ? छन्त खनाः ला जि मोहित जुल जि लिसे वने नु' धकाः धाल। अले सुन्दरी नं जिउ तर न्हापां छ जि लिसे प्याखँ हुलेमाः जिं गथे गथे यात उकथं हे प्याखँ हुइमाः धायेवं उम्ह राक्षसं नं जिउ धकाः धाल। अले सुन्दरी रुप कयाच्चंगु विष्णु थीथी हाउभाउ यानाः प्याखँ हुल। लिसे लिसे राक्षस नं सुन्दरीं थें ल्हाः संकाः प्याखँ हुल। सुन्दरीं प्याखँ हुलाः थःगु ल्हाः छ् यनय् तल उकथं उम्ह राक्षसं नं थःगु

ल्हाः छ्यनय् तयेवं राक्षस भष्म जुल। मेखे भष्मासुरं लिना यंकूम्ह महाद्यः हलेसीया गुफा दुने सुलाच्चंगु खः। विष्णु भगवान गुफा दुने दुहां वनाः महाद्यःयात यथार्थ खँ धायेधुंकाः महाद्यवं उगु थासय् शिवालिक प्रकट याःगु खः धकाः धाइ। थ्यं मथ्यं ६ हजार दँ न्ह्यः थन शिवालिक उत्पति जूगु धकाः धाइ।

हलेसी महाद्यःया जवपाखे दुध कोशी व पश्चिमपाखे सुनकोशी खुसि न्ह्यानाच्चंगु दु। समुद्री सतह स्वयां ४ हजार ७३४ च्वय् लाःगु हलेसी महाद्यःया थाय् प्यखेरं प्राकृतिक मनोरम दृष्य सकसिया नुगः साली। थुगु थाय् धार्मिक पर्यटन क्षेत्रया लिसें प्रकृति प्रेमीतय् नितीं नं प्राकृतिक पर्यटनया थाय् नं खः।

गुफा दुने थीथी दःया मूर्ति तयातःगु दु। २ फिट तःजाःगु हलेसी महाद्यःया शिवालिकया लिसें पशुपतिनाथ, पार्वती, गणेश, कुमार, लक्ष्मी, सरस्वती दुर्गा भवानी नं दु।

हरेक मंगलवाः

राष्ट्रियताको लागि समर्पित



मेरो साप्ताहिक

मेरो साप्ताहिक

Mero Saptahik

मालाः मालाः ब्वनादिसैं ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

नेपालभाषा जर्नल पितब्वज्या



लहना वाःपौ/ त्रिभुवन विश्वविद्यालय नेपालभाषा केन्द्रीय विभाग यलध्वाखाय् कात्तिक २६ गते बुधवाः छगू ज्याइवःया दथुइ 'नेपालभाषा जर्नल' पितब्वज्या जगू दु।

नेपालभाषा केन्द्रीय विभागया प्रमुख डा. राजनलाल जोशीया सभाध्यक्षताय् जगू ज्याइवलय् मूपाहां पंचवीरसिंह तुलाधरपाखें त्रिवि व

थीथी व्यक्तिपिसं नीस्वनातःगु छात्रवृत्ति लिसें सिरपाः लःल्हाःगु खः।

ज्याइवलय् छात्रवृत्तिपाखे त्रिवि छात्रवृत्ति न्हापांगु सेमेस्टरपाखे सुजना महर्जन व महेश्वरी महर्जन, स्वंगुगू सेमेस्टरपाखे समष्टि शाक्य व रामजी बलामी पुष्पदेवी छात्रवृत्ति न्हापांगु सेमेस्टरपाखे नानीहेरा शाक्य, दिलदेवी महर्जन स्वंगुगू सेमेस्टरपाखे नीता तुलाधर व प्रमिला महर्जन,

खैरगुली छात्रवृत्तिपाखे ज्ञानराम श्रेष्ठ व योगवीरसिंह अनुसन्धान वृत्ति पुजा मानन्धरयात मूपाहां पञ्चवीर सिंह तुलाधरं लःल्हानादीगु खःसा सिरपाःपाखे पीयूष पदक रामेश्वर श्रेष्ठ, सत्यहेरा सिरपाः पंचलाल महर्जन व श्रेष्ठ पदक रामेश्वर श्रेष्ठ न्हाप, नितु डंगोल ल्यू व हसना महर्जन लियांल्यू लाःपित मूपाहां तुलाधरं सिरपाः लःल्हानादीगु खः।

ज्याइवलय् विशेष पाहां माननीय सुरेश मानन्धर, पाहां प्रा.डा. ओमकारेश्वर श्रेष्ठ, पाटन क्याम्पस प्रमुख डा. रघुवीर बिष्ट, उपप्रध्यापक राजीतबहादुर श्रेष्ठ, पाटन क्याम्पस स्ववियु सभापति रोहित कपाली, लुमन्ति दबूया नायः यादव रंजितपिसं थःपिनिगु नुगः खँ तयादीगु खः।

रसिया हाउसय् नेपाल संवत् न्हूदँ समारोह

लहना वाःपौ/ नेपाल संवत् ११४६ न्हूदँया लसताय् नेपाल रसिया मैत्री लिसें सांस्कृतिक संघं यँया कमलपोखरीइ च्वंगु रसियन हाउसय् बिहीवाः छगू विशेष समारोह म्बसाः म्बःगु दु।

संघया नायः ई राजेन्द्रबहादुर अधिकारीपाखें नेवाः परम्परा कथं त्वाः देवाय् मतः च्याकाः ज्याइवः उलेज्या यानादीगु उगु समारोहयात सम्बोधन यानादिसें मू पाहाँ रसियन हाउसया निर्देशक आनास्तासिया खोख्लोभां गरिमाय नेपाल संवत्या इतिहासं मित्रराष्ट्र नेपाःया हे छवि उच्च जगू



धयादिल।

वय्कलं नेपाल संवत् न्हूदँया लसताय् सकसितं भिंतुना देछानादिसें

थुगु ह्वःता चुलाका ब्यूगुलिं नेपाल रसिया मैत्री लिसें सांस्कृतिक संघयात दुनुगलं निसें सुभाय् देछानादिल। सभाया सभापति लिसें संघया नायः ई अधिकारीं देय्या नामय् सर्वमान्य व्यक्तिपाखें आमजनतायात आर्थिक मुक्तिया निमित्त पलिस्था याःगु नेपाल संवत् नेपाःया हे मौलिक संवत् जगू खँ न्ह्यथना दिल। नेपाल रसिया मैत्री लिसें सांस्कृतिक संघया महासचिव स्वराज शाक्यं न्ह्याकादीगु उगु ज्याइवलय् शाक्यं नेपाल संवतया बारे विस्तृत कथं म्हसिका नापं न्ह्यब्वयादीगु खः।

नुवाकोट स्वयम्भू परिसरय् सप्तविधानुत्तर पुजा



लहना वाःपौ/ वाकबज्र मैत्री समाज व इवाःबाहाः नक्वा गुरुजुया मंकाः म्बसालय् वंगु ने.सं. ११४६ कछलाथ्व एकादशि, शनिवाः २१ मह वज्राचार्य गुरुजुपिसं नुवाकोट स्वयम्भू परिसरय् सप्तविधानुत्तर पुजा (सत्व पुजा) याना बिज्यागु दु। सत्वपूजाय् ब्वतिकाःपिन्त त्रिशुलीया थीथी बाजं खलकं लसकुस याःगु खः।

विदूर नगरपालिकाया उपप्रमुख मयजुप्रभा बोगटीमूपाहाँ कथं भायादीगु

ज्याइवलय् पाहाँकथं नुवाकोट स्वयम्भू महाचैत्य संरक्षण समिति या नायः ईश्वरमान श्रेष्ठ, नुवाकोट स्वयम्भू महाचैत्यया अभियन्ता गौतममान सिंह, वडा नं. १ या वडाध्यक्ष लेलिन रंजित, वडा नं. २ या वडाध्यक्ष दिपक कायस्थ, वडा नं. ६ या वडाध्यक्ष श्यामकृष्ण चालिसे व नुवाकोट युवा क्लबया जःपिं भायादीगु खः। सत्वपूजा क्वचाय्का वाकबज्र मैत्री समाजया नायः भाजु सजनरत्न वज्राचार्यजुया

सभापतित्वय् न्ह्याःगु ज्याइवलय् पाहाँपित सजनरत्न वज्राचार्य खादा क्वखायेकूगु खःसा पाहाँपित गुरु राजु वज्राचार्यजुं प्रशंसा पत्र लःल्हानदीगु खः।

नुवाकोट स्वयम्भू महाचैत्य विकास समितिया अभियन्ता गौतममान सिंह लसकुस यानादीगु खः। राजु गुरुजु मूलाचार्य जुया बिज्यागु उगु सत्वपुजाया उपाध्याय नक्वाः गुरुजु विजयरत्न वज्राचार्य जुया बिज्यागु खः। थुकथं हे पुजाय् मेमेपिं गुर्जुपिं योगरत्न वज्राचार्य, सुरेश वज्राचार्य, अनिलचन्द्र वज्राचार्य, चन्द्रमान वज्राचार्य, दिनेशहर्ष वज्राचार्य, विकेश वज्राचार्य, अमर वज्राचार्य, पारस वज्राचार्य, साहिल वज्राचार्य, विनोद वज्राचार्य, कल्याण वज्राचार्य, राजु वज्राचार्य, दिपक वज्राचार्य, सुप्रिम वज्राचार्य, अन्जलानन्द वज्राचार्य, सचिन वज्राचार्य, राजेश वज्राचार्य, मनिन्द्र वज्राचार्य व सुभाष वज्राचार्यपिं गुरुजु जुया सत्वपूजा याना बिज्यागु खः। सत्वपूजाया छन्हु न्ह्यः शुक्रवाः नुवाकोट भैरव स्थानय नक्वाः गुरुजु मुसुमकाजी वज्राचार्य गुरुजु व नक्वाःगुरुजु अमररत्न वज्राचार्य जयमां जुया मामकी पुजा नं याना बिज्यागु खः। मामकी पुजाय् राजु गुरुजु, सिद्धिमुनी वज्राचार्य, अनिलचन्द्र वज्राचार्य, राजेश वज्राचार्य, अमर वज्राचार्य, कल्याण वज्राचार्यजुपिसं चचा हाल्ला बिज्यागु खः।

राजनीतिक सञ्जाल दयेकेत सहलह



लहना वाःपौ/ नेवाः राजनीतिक सञ्जाल दयेकेगु निमित्त वंगु शनिवाः छगू सहलह मुँज्या जगू दु।

नेवाः राजनीतिक महागुथिया ग्वसालय् जगू ज्याइवलय् थीथी राजनीतिक पार्टी लिसें स्वापू दुपिं राजनीतिक पार्टीया नेतातय्सं थःपिनिगु बिचाः न्ह्यब्वयेगु ज्या जगू खः।

महागुथिया दुजः अनुप सिंह सुवालं नेवाः राजनीतिक सञ्जालया बारे सहलह पौ न्ह्यब्वयादीगु खःसा उगु सहलह पौयात कयाः क्रान्तिकारी कम्युनिष्ट पार्टीया पोलिटब्युरो दुजः पवनमान श्रेष्ठ, संघीय समाजवादी पार्टी (नयाँ शक्ति) विज्ञ परिषदया अध्यक्ष हिसिला यमि, एकीकृत समाजवादी पार्टीया नेता जीवन राम श्रेष्ठ, ऊर्जा नेपालया नेता रामेश्वर

श्रेष्ठपिसं नेवाः राजनीतिक सञ्जाल नीस्वनेमाःगु खँय् बः बियादीगु खः।

वय्कःपिसं संजाल दयेकेगु निमित्त आः हे एजेण्डायात कयाः मंकाः धापू क्वःछीमाःगु सुभाव बियादीगु खः। उक्तं हे सहलह ज्याइवलय् जसपा नेपालया दुजः शोभा वज्राचार्य, नेवाः राष्ट्रिय मुक्ति मोर्चाया केन्द्रीय दुजः नमस्ते साय्मि, नेसपा नयाँ शक्तिया न्हुच्छेशोभा तुलाधर, भाषा वैज्ञानिक डा. ओमकारेश्वर श्रेष्ठ, सानुराजा वज्राचार्य, श्रीजन श्रेष्ठ, प्रसन्द खड्गी आदिपिसं नं नेवाः राजनीतिक सञ्जाल नीस्वनेमाःगु खँ धयादीगु खः।

नेवाः राजनीतिक महागुथिया दुजः दिलिप शाही लसकुस यानाः न्ह्याःगु ज्याइवः संयोजक माधव श्रेष्ठ न्ह्याकादीगु खः।

सिफलय् फुटबल ...

कोषयात नं उगु ज्या तत्काल दिकेत माःगु यानाः ज्ञापन पौ बीधुकूगु दु।

मेखे यँ महानगरपालिका ७ वडाया वडा अध्यक्ष विमलकुमार होडां धाःसां थम्हं अन फुटबल ग्राउन्ड दयेकाः जग्गाया संरक्षण यायेत्यनागु खँ धायेगु यानाच्च्वंगु दु। वय्कलं अन रंगशाला दयेकेधुंकाः उगु जग्गा संरक्षणया लिसें जात्रा पर्वयात नं अपुइगु दाबी यानादीगु दु।

थ्वहे इवलय् सिफल ख्यलय् रंगशाला दयेकेत्यंगु खँयात कयाः नेवाः देय् दबू यँ जिल्ला समिति विरोध प्वंकूगु दु। जिल्ला समितिया अध्यक्ष धनबहादुर महर्जन तिमिलां विज्ञप्ति जारी यानाः विरोध याःगु खः।

देय् दबुलिं जारी याःगु विज्ञप्तिइ नेपाल संवत् ७४५ या शिलापत्र तकं दुगु तपाख्यःया संस्कृति नाप स्वापू दुगु आदिवासी नेवाःतय् प्रथाजन्य संस्था गुथिया पूर्व सूसुचित जानकारी सहित स्वतन्त्र मन्जुरी मकासें सांस्कृतिक भूमिइ 'फुटबल रंगशाला' दयेकेगु धकाः यँ महानगरपालिका व सम्बन्धित वडा ज्याकूया यःति कथं न्ह्यागुलिं आपत्ति नं प्वंकातःगु दु।

कुमारी छँया ...

दरबार संरक्षण ज्याइवःयात निर्देशन बियादीगु खः। बर्खाय् कुमारी छँया पौ ज्वःगुलिं जीर्णोद्धार यायेगु निमित्त अध्ययन यायेत वंगु साउन २० गते समिति नीस्वंगु खः।

समितिया संयोजकय् पुरातत्व विभागया विज्ञ पुरुषोत्तम डंगोल च्वनादीगु खः। दुजलय् विभागया इञ्जिनियर रोशन डंगोल,

हनुमानध्वाखा हेरचाह अड्डाया प्रमुख काजीमान प्याकुरेल, गुथि संस्थानया इञ्जिनियर भीमप्रसाद अधिकारी व यँमपाया हनुमानध्वाखा दरबार संरक्षण ज्याइवःया आर्किटेक्ट अमित वज्राचार्य च्वनादीगु खः।

अध्ययन समिति ब्यूगु प्रतिवेदनया कथं कुमारी छँया नामं म्हसिका दूगु कुमारी बहाःया स्वंगु तगिया पःखाः चिरिबानाच्च्वंगु दु। छुं थां व धलिं नं थाय् त्वःतीगु अवस्था जगू दु। गुलिखय् धलिं कीलं नयाः चिचीधंगु प्वाः दयेधुंकूगु दु। थाय् थासय् च्वंगु सिं ध्वगिइगु अवस्थाय् दु। निगूगु तगिमय् न्हाय्कनं तपुयातःगु अंगःकिपात म्वाकातयेमाःगु अवस्थाय् दु। थां बाहेकं अप्वः धयाथें सिंया ज्वलंत अग्राखया मखुसें मेमेगु सिंया जगुलिं याकनं जीर्णोद्धार यायेमाःगु खँ बैठकय् समितिया दुजः आर्किटेक्ट वज्राचार्य जानकारी बियादीगु खः।

वज्राचार्यया कथं आँय्पा पौ प्यखेरं थाय्थासय् प्वला वने धुंकूगु दु। गुलिथासय् आँय्पा तःज्यानाः कुतुंवःगु, आइरन वेल्ड लिहांवःगु दु। गुलि थासय् ला आइरन वेल्ड हे मदु। अप्वः धयाथें संरचना स्यंगु अवस्थाय् थ्यने धुंकूगु दु।

कुमारी छँय् पौ ज्वःगुलिं यानाः वंगु यँयाःया इलनिसें प्लाष्टिकं त्वःपुया तःगु खः। आपालं विदेशी पर्यटक वइगु हनुमानध्वाखा दरबार क्षेत्रय् दुगु कुमारी छँय् प्लाष्टिकं त्वःपुयातःगु खँयात कयाः सम्पदा अभियन्तातय्सं विदेशीया न्ह्यःने बेइज्जत जगू धकाः कुखिनेगु यानाच्च्वंगु खः।

प्रचलित नेपाललिपिं पिहाँ वयाच्च्वंगु

म्हसीका लय्पौ ब्वनादिसँ/ब्वंकादिसँ

महसीका लय्पौ

MHASIKA Monthly | महसीका मासिक

स्वक्वःगु प्रयागराज सिंह सुवाल स्मृति १३ वडां त्याकल



लहना वा:पौ/ यें महानगरपालिका वडा २३ या ग्वसालय लैनचौर फुटसल मैदानय जुगु स्वक्वःगु प्रयागराज सिंह सुवाल स्मृति कासाया उपाधि यें महानगर वडा नं १३ त्याकूगु दु। वडा १३ न्हापागु संस्करण उपविजेता न खः।

शनिवाः जुगु फाइनल कासाय वडा १३ नं वडा नं ४ यात पेनाल्टी सुट आउटय २-० गोलं पराजित याःगु खः। निर्धारित इलय छू हे गोल मजूसे बराबरी जुगु खः। पेनाल्टी सुट आउटय अभय राना व आसिस कपाली गोल याना उपाधी त्याकेत ताः

लागु खःसा वडा नं ४ पाखे छू हे गोल याये मफुगु खः।

अभय फाइनलय म्यान अफ दि म्याच जुगु खःसा वडा १३ या विकेश शाही दकलय अप्वः ७ गोल याःगु खः।

अथे हे वडा ४ या विक्रान्त नरसिंह राना दकलय बांलाम्ह कासामि जुगु दुसा वडा १३ या विशाल शाही दकलय बांलाम्ह गोलकिपर जुगु दु। वडा १३ टुफी नाप निगू लाख तका त्याकूगु दुसा उपविजेता वडा ४ टिम छू लाख त्याकूगु दु।

समापन ज्याभ्वलय ग्वसाः खलः वडा नं २३ या अध्यक्ष मचाराजा महर्जन थज्याःगु कासा न्हापा केन्द्रीय स्तरपाखे जक जुयाच्चंगु इलय थःम्हेसिया यक्व मिहिनेत बजेट निकासो यानाः तःधंगु कासा यायेफुगु खँ धयादिल।

बाडेगामय ज्येष्ठ नागरिकया १३ क्वःगु दँमुँज्या



लहना वा:पौ/ यलया बाडेगामय च्वंगु ज्येष्ठ नागरिक दिवा सेवा केन्द्रया १३ क्वःगु दँ मुज्या सम्पन्न जुगु दु। संस्थाया अध्यक्ष जोगबहादुर महर्जनया सभापतित्वय जुगु उगु ज्याइवलय मूपाहां गोदावरी नगरपालिकाया उपमेयर मुना अधिकारी थःत जन्म बिउपि मां अबु भगवान खः धासें वय्कःपिनिगु सेवा यायेगु भगवानया पुजा यायेगु सरह खः धयादिल। उक्तं हे वय्कलं ज्येष्ठ नागरिकतयत दिवा सेवाय नापलायेगु ह्वःताः चूलाःगु जक मखुसे छम्ह मेम्ह नाप खँल्हाबल्हा यायेदयाः वय्कः बछि चिन्ता क्वलाःगु अनुभव यायेफइ धयादिल। थुकथं छम्ह मेम्हलिसे नापलानाः खँ ल्हायेगु वातावरण दगु कारणं यानाः याकःचा

महसुस मजुइगु खँ नं धयादिल। उक्तं हे गोदवारी नगरपालिका १४ या वडा अध्यक्ष निरोज वज्राचार्य बुराबुरी जूपि मां अबुया सेवा याइपिसं दः पुजा यायेम्वाः धासें वय्कलं मां अबुया सेवा यायेगु हे दःया पुजा यायेगु खः धयादिल। ज्याइवलय समाजसेवी मदनबहादुर अमात्य उगु संस्थाया अक्षयकोष नीस्वनेत १० लाख व वृद्धाश्रम भवन दयेकेगु निती १३ लाख तका ग्वाहालि यानादीगु दु। वय्कलं नं ज्येष्ठ नागरिकया बारे थःगु नुगः खँ तयादीगु खः। ज्याइवलय संस्थाया वार्षिक प्रतिवेदन न्हयब्वयेगु ज्या जुगु खःसा केयर एण्ड डेभलपमेन्ट अर्गनाइजरपाखे स्वास्थ्य शिविर न्ह्याकूगु खःसा आपालं ज्येष्ठ नागरिकपिसं सेवा काःगु खः।

प्यम्ह प्रशिक्षकतयत विदाइ

लहना वा:पौ/ राष्ट्रिय खेलकुद परिषद् (राखेपं) प्यम्ह प्रशिक्षकतयत विदाइ ब्यूगु दु।

राष्ट्रिय खेलकुद परिषदया सदस्य सचिव टंकलाल घिसिङ ५८ दँ दुगु कारण सेवा निवृत्त जूपित प्रशिक्षकपाखे बिदा याःगु खः।

हक्की मुख्य प्रशिक्षक रन्जन थापा, तेक्वान्दो प्रशिक्षक राजेश प्रजापति, भलिबल प्रशिक्षक महेश महर्जन व कराते प्रशिक्षक सन्जय जोशीपित विदाइ याःगु खः।



काठमाडौं महानगरपालिका २२ वडा कार्यालयको अनुरोध

- महानगरपालिकालाई तिर्न बुझाउन पर्ने सम्पत्ती कर, व्यवसाय कर, बहालकर लगायतका अन्य करहरु समयमा नै सम्बन्धित वडा कार्यालयमा बुझाइ दण्ड जरिवानाबाट बचौं।
- व्यक्तिगत घटना (जन्म, मृत्यु, विवाह, बसाइसराइ र सम्बन्धविच्छेद) दर्ता जस्ता घटना दर्ता ३५ दिनभित्र दर्ता गराऔं।
- आ-आफ्नो टोल सफा राखौं। स्वच्छ शान्त वातावरण कायम गर्न प्रयास गरौं।
- स्वास्थ्य संस्थामा नवजात शिशुलाई लगेर समयमा नै नियमित रुपमा खोप लगाई बाल मृत्युदर घटाऔं।
- २२ वडा स्वास्थ्य प्रवर्द्धन केन्द्रमा आइ नियमित स्वास्थ्य चेकजाँच तथा उपचार गराऔं।



चिनीकाजी महर्जन

वडा अध्यक्ष

काठमाडौं महानगरपालिका २२ वडा परिवार, टेबहाल, काठमाडौं।

वातावरण स्वच्छ राखौं।

- धुवाँ तथा धुलो उडाउने कार्य नगरौं,
- फोहर तथा प्लास्टिकजन्य पदार्थ नजलाऔं,
- जथाभावी फोहोर नफालौं,
- कुहिने र नकुहिने फोहर छुट्ट्याएर व्यवस्थापन गरौं,
- घर, टोल तथा सडक सफा राखौं,
- घर वरपर बोटविरुवा लगाऔं,
- सवारी साधनबाट निस्कने धुवाँ नियन्त्रण गरौं,
- वातावरण प्रदूषण नियन्त्रणका लागि सामूहिक प्रयास गरौं।

सफा वातावरण, स्वस्थ जीवन।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शूलभ स्वास्थ्य सेवा सकसिया मिति, असहायता मिति जक निःशुल्क"

उपलब्ध सेवा

२४ घण्टा सेवा

- इमरजेन्सी
- प्याथोलोजी
- एक्स रे
- ई.सी.जी.
- जोषधि परख
- जन्मरोग सेवा
- सिटी स्क्रान

शल्यक्रिया

- मोतिबिन्दु
- ज्वरक हठरी
- माक कात घाँटी सम्बन्धि
- हाडबन्दी तथा नसा सम्बन्धि
- बिना विरधार पिशाक नलीको पक्कर सम्बन्धि

बहिरङ्ग सेवा

- मुटु रोग
- पेट रोग
- मृदापीपको
- स्त्री रोग
- बाल रोग
- ज्वरम्वर रोग
- दन्त रोग
- अर्बिच रोग
- ज्वररोग मेडिसिन
- धर्म तथा योग रोग
- माक कात घाँटी रोग
- ज्वररोग हृन्म रोग अथ
- नाइरोडिङ
- मधुमेह

मेमेन्तु सेवा

- इन्सिङ
- इन्फेक्चिओपी
- कोलोनाम्बोपी
- किजियोवेरापी
- ज्वरज्वर, स्तर, टुप्तर र डुको
- दुरोगेनी स्तरको इन्त प्रयोगवाला
- टि.एम.टि. हल्टर

२४ घण्टा इमरजेन्सी सेवा

७०६ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९